

Geiq Baez Gangj Goj Doxdax Nanzlumz Ndeu

记一次难忘的讲故事比赛

贵港市覃塘区蒙公乡高占小学四(2) 韦飞扬

2014 nienz 10 nyied 25 hauh, gou caeuq doengzdoih gou Lij Yungzyungz caez naengh banci bae Namzningz camgya Daengx Gih Daihsam Gaiq Siujhagseng Yungb Byauhcuinj Vahcuengh Doxdax Gangj Goj. Youq gwnz loh, yawj rog ci, gofaex mwncup heuswd, va hai hoengzhoengz henjhenj, rumz ci daiq daeuj gij heiq va homfwdfwd, hawj vunz sim sangi raixcaix.

Dou daeujdaengz Namzningz, ra ndei diegyouq le, couh bae caeciem lo. Gou ndawsim gouz: Caeu ndaej ciem ndei di ba. Siengj mbouj daengz, caeu ndaej ciem daihsam. Gou doeksaet lo, sim siengj: Daihsam hix daiq gonq luba! Doeklaeng siengj-siengj, lau gijmaz, gou gaenq lienh gangj ndaej gig sug lo, cijaeu sim mbouj vueng couh itdingh gangj ndaej ndei.

Ngoenz daihngaih banhaet 8 diemj cung, dou daeujdaengz aending hung doxdax. Ndaw ding gaenq miz

haujlai senjsouj youq gizhaenx lo, mizmbangj gangj riu, mizmbangj cang ndang, lij mizmbangj gaenjieng ndaej byaij bae byaij dauq. Gvaq yaep ndeu, doxdax hainduj lo, daih'it boux senjsouj hwnjdaiz lo, de geijlai gaenjieng ha, naj cungj mbouj riu. Seizneix, gou siengj hwnj bingzseiz lauxsae sinhoj son gou, gou haenq-rengz bae lienh gangj, gou couh laeglemx hawj swheijj dajheiq: "Veiz Feihyangz, mwngz itdingh ndaej!" Daengz gou hwnjdaiz lo, gou sup gaemz heiq ndeu, caemdingh dwk gangj aen goj 《Gorungz Iq Ra Ranz》, gou nyinhcaen gangj dwk, roxnyinh swheijj hix bienqbaenz gorungz iq lo, gorungz iq daej, gou hix daej, gorungz iq angqvau, gou hix gaen angqvau. Aen goj gou gangj sat lo, laj daiz raq sing bekfwngz yiengjihoho, gyoengq bingzveij hix doiq gou yaengx hwnj fwngzmeh, gou sim'angq raixcaix.

Doxdax sat lo, gou ndaej it daengj ciengj, doengzdoih gou Lij Yungz-



▲ Ndaw doz dwg bouxsij (baihswix boux daihsam) nem gij doengzhag ndaej ciengj wnq caeuq lingjdauj hab'ingj.

yungz ndaej ngeih daengj ciengj. Gou gig miznaj dwk hwnjdaiz bae lingx ciengj, bouxlingjdauj fat ciengj hawj gou seiz, gou gikdoengh ndaej mbouj rox gangj gijmaz, cijdwg amqamq lwnh swheijj: "Veiz Feihyangz, mwngz ndaej cwngzgungh lo, mwngz mbouj

hawj lauxsae saetmuengh!"

Ngoenz daihsam, dou daiq gij cingczik ndei angqvauvau dwk naengh ci dauqma lo. Baez neix doxdax, gou rox ndaej daengz: Cijaeu roengzrengz, couh itdingh guh ndaej daengz.

(指导老师: 韦彩芳)

Daxmeh

母亲

武鸣县太平镇庆乐小学五年级 韦郁香

Daxmeh gou vih ndaw ranz causim gig lai.

Daxmeh gou gig gaenx, ngoenznaengz guhhong ciengz-ciengz dwg haetromh okbae mbwnlaep cij dauqma, haetromh guhhong gaxgonq caeuq haemh-laep ma ranz le, lij cawj haeux cawj byaek hawj dou gwn. Mwh gwn haeux, daxmeh cungj mbouj nip noh gwn, caj dou gwn lw le de cij gwn. Daxmeh naeuz: Sou lwgnyez gwn noh maj ndangdaej, gou laux lo, mbouj maj lo, gwn noh hix mbouj miz yungh.

Mwh gou gouj bi, daxmeh aenvih ga in haeuj yihyen. Canghyw naeuz: "Guhhong daih lai lo, ga deng sieng, au guh soujsuz cij ndaej." Gou dingqnyi le, ndoj youq ndaw gungx

caegcaeg daej hwnjdaej.....

Mwh daxmeh okyen, canghyw naeuz: "Ma ranz mbouj ndaej guhhong naek, moix cou cungj au daeuj yihyen genjcaz." Hoeng, ma ranz le, daxmeh ciuqyiengh bae guhhong.

Daxmeh moix baez bae yihyen genjcaz, cungj bae Sinhvas Suhden cawx gij saw gou maij haenx ma hawj gou. Miz haemh ndeu, gou byaij gvaq aen rug bohme, dingqnyi gij sing daxboh caeuq daxmeh gangjavah. "Mwngz cungj mbaet ngaenz roengzdaej hawj dahlwg cawx saw, mwngz dengsieng cungj caengz ndei, mwngz hix au vih swheijj siengjsiengj, hawj bonjfaenb boujbouj yingz-yangj!"

Daxmeh cix naeuz: "Vih dahlwg gou gvaq ndaej ndei, gou baenzlawz hoj cungj mbouj youqgaenj, cijaeu dahlwg gvaq ndaej ndei, gvaq ndaej vaiqvued, gou couh angq lo!" Dingq daengz gij vah neix, gou nyaenx mbouj ndaej raemxda doekbyoegbyoeg.....

Gou caegcaeg roengz gietsim, gou yaek roengzrengz bae doegsaw, guh boux lwgnyez dingqvah ndeu, mbouj hawj bohme causim.

(指导老师: 韦华勤)



Ngeihcib Bi Le Daeuj Doxraen

二十年后再相会

环江思恩镇清潭小学 覃妮



2035 nienz 10 nyied 1 hauh, dwg saedceij gou ciuhvunz nanzlumz haenx. Aenvih youq ngoenzhaenx, gou dauq-daej caeuq gyoengq doengzhag doxbiek ngeihcib bi haenx doxraen lo.

Daj ciep ndaej siusik doengzhag doxcomz le, gou couh gikdoengh ndaej laebdaeb geij ngoenz ninz mbouj ndaek, maqmuengh vaiqdi ndaej caeuq gyoengq doengzhag seiziq doxraen.

Ngoenzhaenx lajbyonghngoenz, gou daj Namzningz ma daengz Vanz-gyangh le, couh gipmuengz byaij bae coh Nanzgyangh Binhgvanj. Gou ngamq byaij haeuj aending haihoih ndaw binhgvanj bae, boux doengzhag ndeu sikhaek buet gvaqdaej, yiedcingz caeuq gou gaemfwngz camndei. Neix dwg dou doxbiek ngeihcib bi le baez daih'it doxraen, dou baenzlawz mbouj angq, mbouj gikdoengh ne? Gaenlaeng, gou hix angq dwk caeuq doengzhag wnq gaemfwngz cam ndei, ndaw ding haihoih cungj dwg sing riu sing gangjavah.

Youq raq youh raq sing bekfwngz ndawde, lauxsae seiziq dou cingsaenz gvaekgvaek byaij haeuj ndaw ding daej, gyoengq doengzhag angqfwng-

fwng caeuq lauxsae gaemfwngz, doxgot camndei. Gou yawjraen mbanj boux doengzhag ndaw lwgda cungj aeng miz raemxda, couh lumj lwgnyez haujlai nanz cij caeuq bohme doxraen ityiengh, cungj cingzgingj neix saedcaih gamjdoengh vunz ha! Engq hawj gou gamjdoengh dwg, gvaq ngeihcib bi le, banhcujiyinh Veiz lauxsae lij cingcuji heuh ok aencouh dou daej! Gou siengj: Neix mbouj dan dwg Veiz lauxsae geiqsingq ndei, canzlij dwg de gvansim dou, ciengzseiz dawz dou cuengq youq ndawsim bw!

Ciepdwk, gyoengq doengzhag baenz boux baenz boux yiengq daihgaya gaisau swheijj. Gyoengqde mizmbangj dang canghyw, mizmbangj dang gingcaz, mizmbangj dang lauxsae, mizmbangj dwg giyezgyah..... Dingq sat gyoengq doengzhag gaisau le, Veiz lauxsae lumj daxboh unqswnh dwg-gyaez nei doiq dou naeuz: "Sou youq aen nienzgeij neix, baihgwnz miz bouxlaux, baihlaj miz lwgnyez, daihgaya itdingh au haeujsim ndangdaej, au ciuqgoq ndei song mbiengj bohme, engq au gyauyuz ndei lwg swheijj, maqmuengh sou roengzrengz gungh-coz, vih guekcoj lai guh gungyen. Hoh sou ndangdaej ndei, ndawranz vuenyungz, gunghcoz guh ndaej swnh." Dingq gij vah Veiz lauxsae gangj haenx, gyoengq doengzhag cungj gamjdoengh dwk raemxda lae lo.....

Doxraen seizgan gig dinj, dou youh doxbiek lo. Baez doengzhag doxraen neix hawj gou gig nanz lumz, maqmuengh mbouj geij nanz dou caiq doxraen.

(指导老师: 覃寒春)